




Broj: 01-50-1-15-20/24

Sarajevo, 16. 7. 2024.

DOM NARODA
PARLAMENTARNE SKUPŠTINE
BOSNE I HERCEGOVINE



Predmet: Obavještenje

Predstavnički dom Parlamentarne skupštine BiH je na 20. sjednici, održanoj 16. 7. 2024, razmatrao sljedeće tačke dnevnog reda:

1. Prijedlog amandmana II. na Ustav Bosne i Hercegovine, predlađač: poslanici iz Kluba DF-a Milan Dunović, Zlatan Begić i Vlatko Glavaš, broj: 01-01-1019/24 od 21. 5. 2024, s Mišljenjem Ustavnopravne komisije;
2. Prijedlog zakona o dopunama Zakona o administrativnim taksama, predlađač: Vijeće ministara BiH, broj: 01,02-02-1-929/24 od 10. 5. 2024. (drugo čitanje);
3. Prijedlog dopune Poslovnika Predstavničkog doma Parlamentarne skupštine BiH, predlađač: poslanica Ermina Salkičević-Dizdarević, broj: 03/3-02-4-906/24, veza: 01-50-2-13-40/24 od 28. 5. 2024. (drugo čitanje);
4. Prijedlog zakona o dopuni Zakona o strancima, predlađač: poslanik Nihad Omerović, broj: 01-02-1-2349/23 od 10. 11. 2023, s Mišljenjem Zajedničke komisije za ljudska prava;
5. Prijedlog zakona o dopunama Zakona o plaćama i drugim naknadama u sudskim i tužilačkim institucijama na nivou Bosne i Hercegovine, predlađač: Vijeće ministara BiH, broj: 01,02-02-1-649/24 od 22. 3. 2024, skraćeni postupak (prvo čitanje);
6. Prijedlog zakona o dopuni Izbornog zakona Bosne i Hercegovine, predlađač: poslanik Šemsudin Mehmedović, broj: 01-02-1-749/24 od 5. 4. 2024, s Mišljenjem Ustavnopravne komisije;
7. Izvještaj komisije Kolegija o nastojanju za postizanje saglasnosti o Inicijativi za rekonstrukciju Vijeća ministara BiH – smjenu ministra sigurnosti u Vijeću ministara BiH Nenada Nešića, predlađač: poslanici iz Kluba SDA Šerif Špago, Edin Ramić, Safet Kešo, Amor Mašović, Denijal Tulumović, Nermin Mandra, Šemsudin Dedić i Midhat Čaušević, broj: 01-50-1-1037/24 od 25. 6. 2024;
8. Izvještaj komisije Kolegija o nastojanju za postizanje saglasnosti o zahtjevu poslanika Nihada Omerovića da se Prijedlog zakona o dopunama Krivičnog zakona Bosne i Hercegovine razmatra po hitnom postupku, u skladu s članom 133. Poslovnika, broj: 01-02-1-1166/24 od 25. 6. 2024;
9. Izvještaj komisije Kolegija o nastojanju za postizanje saglasnosti o prijedlogu da se Prijedlog zakona o dopuni Izbornog zakona Bosne i Hercegovine, predlađač: poslanici iz

Kluba SDA Amor Mašović, Safet Kešo, Denijal Tulumović, Šemsudin Dedić, Edin Ramić, Nermin Mandra, Midhat Čaušević i Šerif Špago, razmatra po skraćenom postupku, broj: 01-02-1-709/24 od 4. 7. 2024;

10. Izvještaj komisije Kolegija o nastojanju za postizanje saglasnosti o prijedlogu zaključka poslanika Šerifa Špage povodom rasprave o Godišnjem izvještaju Visokog sudskog i tužilačkog vijeća BiH za 2023. godinu, broj: 01,02-50-18-936/24 od 4. 7. 2024;
11. Izvještaj komisije Kolegija o nastojanju za postizanje saglasnosti o Godišnjem izvještaju Visokog sudskog i tužilačkog vijeća BiH za 2023. godinu, broj: 01,02-50-18-936/24 od 4. 7. 2024;
12. Izvještaj komisije Kolegija o nastojanju za postizanje saglasnosti o prijedlogu zaključka poslanika Nihada Omerovića povodom rasprave o davanju saglasnosti za ratifikaciju Amandmana br. 3 na Ugovor o finansiranju, sklopljen između Bosne i Hercegovine (zajmoprimac), Republike Srpske i Evropske investicione banke (banka) 27. 12. 2016. u Sarajevu i 29. 12. 2016. u Luksemburgu i Banjoj Luci, te izmijenjen 2. 12. 2019. i 30. 6. 2022. (Ugovor o finansiranju), (FI BR. 31.526 – SERAPIS BR. 2010-0049) – Bolnice u RS/B, broj: 01,02-21-1-1125/24 od 4. 7. 2024;
13. Izvještaj o radu Vijeća nacionalnih manjina BiH za 2023. godinu, broj: 01,02-39-1-337/24 od 7. 2. 2024;
14. Izvještaj o pojavama diskriminacije u Bosni i Hercegovini za 2022. godinu, podnosilac: Vijeće ministara BiH, broj: 01,02-37-653/24 od 25. 3. 2024;
15. Specijalni izvještaj „Analiza realizacije preporuka ombudsmena za ljudska prava Bosne i Hercegovine“, podnosilac: Institucija ombudsmena za ljudska prava BiH, broj: 01,02-12-1-1092/24 od 31. 5. 2024;
16. Konsolidirani godišnji izvještaj o sistemu finansijskog upravljanja i kontrole u institucijama Bosne i Hercegovine za 2023, podnosilac: Ministarstvo finansija i trezora BiH, broj: 01,02-16-1-1146/24 od 11. 6. 2024;
17. Godišnji konsolidirani izvještaj interne revizije za 2023, podnosilac: Ministarstvo finansija i trezora BiH, broj: 01,02-16-1-1147/24 od 11. 6. 2024;
18. Izvještaj o pregledanom stanju finansijskog poslovanja političkih stranaka u 2021. godini, podnosilac: Centralna izborna komisija BiH, broj: 01,02-07-4-1183/24 od 19. 6. 2024;
19. Izvještaj o provođenju javnog saslušanja predstavnika Ministarstva komunikacija i prometa Bosne i Hercegovine, podnosilac: Komisija za borbu protiv korupcije Predstavničkog doma Parlamentarne skupštine BiH, broj: 01/8-50-3-978/24 od 21. 6. 2024;
20. Izvještaj o provođenju javnog saslušanja predstavnika Instituta za mjeriteljstvo Bosne i Hercegovine i Vijeća za mjeriteljstvo Bosne i Hercegovine, a u vezi s donošenjem novih podzakonskih akata, podnosilac: Komisija za borbu protiv korupcije Predstavničkog doma Parlamentarne skupštine BiH, broj: 01/8-50-3-979/24 od 21. 6. 2024;
21. Izvještaj o svim arbitražnim postupcima i drugim postupcima s elementom inostranosti koji mogu imati finansijske posljedice po BiH, podnosilac: Pravobranilaštvo BiH (realizacija zaključka sa 18. sjednice Predstavničkog doma), broj: 01-50-1-15-18/24, veza: 01-07-4-1227/24 od 27. 6. 2024;
22. Poslanička inicijativa Sabine Ćudić kojom se zadužuje Ministarstvo odbrane BiH da, u roku od 30 dana od usvajanja ove inicijative, donese izmjene ili dopune člana 5. Pravilnika o uniformama Oružanih snaga Bosne i Hercegovine („Službeni glasnik BiH“, broj 44/17) i

- tako omogućiti nošenje hidžaba, kao vjerskog obilježja, pripadnicama Oružanih snaga Bosne i Hercegovine, broj: 01-50-1-1021/24 od 22. 5. 2024;
23. Poslanička inicijativa Denisa Zvizdića kojom Predstavnički dom Parlamentarne skupštine BiH inicira da Ministarstvo civilnih poslova BiH pokrene proceduru zaključivanja Sporazuma o dvojnem državljanstvu između Bosne i Hercegovine i Savezne Republike Njemačke, broj: 01-50-1-1229/24 od 27. 6. 2024;
24. Prijedlog odluke o imenovanju sekretara Predstavničkog doma Parlamentarne skupštine BiH, broj: 01-34-1-1382/24 od 16. 7. 2024;
25. Prijedlog odluke o imenovanju sekretara Zajedničke službe Parlamentarne skupštine BiH, broj: 01-34-1-1383/24 od 16. 7. 2024;
26. Davanje saglasnosti za ratifikaciju Sporazuma između Republike Hrvatske, Bosne i Hercegovine i Crne Gore o provođenju Programa Interreg VI-A IPA Hrvatska - Bosna i Hercegovina - Crna Gora za period 2021 - 2027, broj: 01,02-21-1-1231/24 od 28. 6. 2024;
27. Davanje saglasnosti za ratifikaciju Sporazuma o finansiranju za Interreg VI-A IPA Program prekogranične saradnje Hrvatska - Bosna i Hercegovina - Crna Gora, broj: 01,02-21-1-1232/24 od 28. 6. 2024;
28. Davanje saglasnosti za ratifikaciju Sporazuma između Vijeća ministara Bosne i Hercegovine i Vlade Republike Italije o uzajamnom priznavanju u oblasti zamjene vozačkih dozvola, broj: 01,02-21-1-1332/24 od 9. 7. 2024;
29. Davanje saglasnosti za ratifikaciju Sporazuma o grantu – Grant Investicionog okvira za Zapadni Balkan (WBIF) (Kofinansiranje programa integriranog razvoja koridora Save i Drine primjenom višefaznog programskog pristupa) između Bosne i Hercegovine i Međunarodne banke za obnovu i razvoj i Međunarodne asocijacije za razvoj u funkciji vodeće finansijske institucije za Investicioni okvir za Zapadni Balkan, broj: 01,02-21-1-1349/24 od 11. 7. 2024;
30. Davanje saglasnosti za ratifikaciju Sporazuma o priznavanju stručnih kvalifikacija medicinskih sestara, veterinar, farmaceuta i babica u kontekstu Centralnoevropskog sporazuma o slobodnoj trgovini, broj: 01,02-21-1-1355/24 od 11. 7. 2024.

Ad. 1.

S obzirom na to da je Ustavopravna komisija drugi put dala negativno mišljenje o Prijedlogu amandmana II. na Ustav Bosne i Hercegovine, predlaže: poslanici iz Kluba DF-a Milan Dunović, Zlatan Begić i Vlatko Glavaš, zakonodavna procedura po navedenom prijedlogu zakona je obustavljena.

Ad. 2.

Predstavnički dom usvojio je u drugom čitanju Prijedlog zakona o dopunama Zakona o administrativnim taksama, predlaže: Vijeće ministara BiH.

Ad. 3.

Predstavnički dom **usvojio je u drugom čitanju** Prijedlog dopune Poslovnika Predstavničkog doma Parlamentarne skupštine BiH, predlagač: poslanica Ermina Salkičević-Dizdarević.

Ad. 4.

S obzirom na to da je Zajednička komisija za ljudska prava drugi put dala negativno mišljenje o Prijedlogu zakona o dopuni Zakona o strancima, predlagač: poslanik Nihad Omerović, zakonodavna procedura po navedenom prijedlogu zakona **je obustavljena**.

Ad. 5.

Kolegij Predstavničkog doma kao komisija, zbog nedostatka entitetske većine u prvom krugu glasanja, obaviti će **naknadno usaglašavanje** o Prijedlogu zakona o dopunama Zakona o plaćama i drugim naknadama u sudskim i tužilačkim institucijama na nivou Bosne i Hercegovine u prvom čitanju, predlagač: Vijeće ministara BiH.

Ad. 6.

Predstavnički dom **nije prihvatio** Mišljenje Ustavnopravne komisije o Prijedlogu zakona o dopuni Izbornog zakona Bosne i Hercegovine, predlagač: poslanik Šemsudin Mehmedović, te je Komisija zadužena da sačini novo mišljenje, u skladu s članom 113. stav (3) Poslovnika.

Ad. 7.

Predstavnički dom, u drugom krugu glasanja, **nije usvojio** Inicijativu za rekonstrukciju Vijeća ministara BiH – smjenu ministra sigurnosti u Vijeću ministara BiH Nenada Nešića, predlagač: poslanici iz Kluba SDA Šerif Špago, Edin Ramić, Safet Kešo, Amor Mašović, Denijal Tulumović, Nermin Mandra, Šemsudin Dedić i Midhat Čaušević.

Ad. 8.

Predstavnički dom, u drugom krugu glasanja, **nije prihvatio** zahtjev poslanika Nihada Omerovića da se Prijedlog zakona o dopunama Krivičnog zakona Bosne i Hercegovine razmatra po hitnom postupku, u skladu s članom 133. Poslovnika.

Kolegij Predstavničkog doma kao komisija, zbog nedostatka entitetske većine u prvom krugu glasanja, obaviti će **naknadno usaglašavanje** o prijedlogu da se navedeni prijedlog zakona razmatra po skraćenom postupku.

Ad. 9.

Predstavnički dom, u drugom krugu glasanja, **nije prihvatio** prijedlog da se Prijedlog zakona o dopuni Izbornog zakona Bosne i Hercegovine, predlagač: poslanici iz Kluba SDA Amor Mašović, Safet Kešo, Denijal Tulumović, Šemsudin Dedić, Edin Ramić, Nermin Mandra, Midhat Čaušević i Šerif Špago, razmatra po skraćenom postupku, te će se navedeni prijedlog zakona razmatrati po redovnom zakonodavnom postupku.

Ad. 10.

Predstavnički dom, u drugom krugu glasanja, **usvojio je** prijedlog zaključka poslanika Šerifa Špage povodom rasprave o Godišnjem izvještaju Visokog sudskog i tužilačkog vijeća BiH za 2023. godinu, koji glasi: „Predstavnički dom Parlamentarne skupštine Bosne i Hercegovine zadužuje Visoko sudsko i tužilačko vijeće Bosne i Hercegovine da u što kraćem roku razmotri nacionalnu strukturu rukovodilaca pravosudnih funkcija u Hercegovačko-neretvanskom kantonu i uskladi je s odgovarajućim odredbama Ustava Federacije Bosne i Hercegovine.“

Ad. 11.

Predstavnički dom, u drugom krugu glasanja, **usvojio je** Godišnji izvještaj Visokog sudskog i tužilačkog vijeća BiH za 2023. godinu.

Ad. 12.

Predstavnički dom, u drugom krugu glasanja, **nije usvojio** prijedlog zaključka poslanika Nihada Omerovića povodom rasprave o davanju saglasnosti za ratifikaciju Amandmana br. 3 na Ugovor o finansiranju, sklopljen između Bosne i Hercegovine (zajmoprimac), Republike Srpske i Evropske investicione banke (banka) 27. 12. 2016. u Sarajevu i 29. 12. 2016. u Luksemburgu i Banjoj Luci, te izmijenjen 2. 12. 2019. i 30. 6. 2022. (Ugovor o finansiranju), (FI BR. 31.526 – SERAPIS BR. 2010-0049) – Bolnice u RS/B.

Ad. 13.

Predstavnički dom **usvojio je** Izvještaj o radu Vijeća nacionalnih manjina BiH za 2023. godinu.

Ad. 14.

Predstavnički dom **usvojio je** Izvještaj o pojavama diskriminacije u Bosni i Hercegovini za 2022. godinu, podnosilac: Vijeće ministara BiH.

Ad. 15.

Predstavnički dom **usvojio je** Specijalni izvještaj „Analiza realizacije preporuka ombudsmena za ljudska prava Bosne i Hercegovine“, podnosilac: Institucija ombudsmena za ljudska prava BiH.

Ad. 16.

Predstavnički dom **usvojio je** Konsolidirani godišnji izvještaj o sistemu finansijskog upravljanja i kontrole u institucijama Bosne i Hercegovine za 2023, podnosilac: Ministarstvo finansija i trezora BiH.

Također, Dom je usvojio i zaključke iz Mišljenja Komisije za finansije i budžet, koji glase:

1. „Predstavnički dom Parlamentarne skupštine BiH traži od Agencije za pružanje usluga u zračnoj plovidbi BiH da pod hitno Centralnoj harmonizacijskoj jedinici Ministarstva finansija i trezora BiH dostavi Godišnji izvještaj o sistemu finansijskog upravljanja i kontrole za 2023. godinu, te obrazloži razloge dosadašnjeg nedostavljanja godišnjih izvještaja.
2. Predstavnički dom Parlamentarne skupštine BiH traži od Kolegija Sekretarijata Parlamentarne skupštine BiH da ubuduće svoj godišnji izvještaj o sistemu finansijskog upravljanja i kontrole dostavlja Centralnoj harmonizacijskoj jedinici u propisanom roku.“

Ad. 17.

Predstavnički dom **usvojio je** Godišnji konsolidirani izvještaj interne revizije za 2023, podnosilac: Ministarstvo finansija i trezora BiH.

Također, Dom je usvojio i zaključak iz Mišljenja Komisije za finansije i budžet koji glasi: „Predstavnički dom Parlamentarne skupštine BiH traži od Direkcije za koordinaciju policijskih tijela BiH i Agencije za pružanje usluga u zračnoj plovidbi BiH da pod hitno, u skladu s relevantnim propisima, uspostave internu reviziju.“

Ad. 18.

Kolegij Predstavničkog doma kao komisija, zbog nedostatka entitetske većine u prvom krugu glasanja, obaviti će **naknadno usaglašavanje** o Izvještaju o pregledanom stanju finansijskog poslovanja političkih stranaka u 2021. godini, podnosilac: Centralna izborna komisija BiH.

Ad. 19.

Kolegij Predstavničkog doma kao komisija, zbog nedostatka entitetske većine u prvom krugu glasanja, obaviti će **naknadno usaglašavanje** o Izvještaju o provođenju javnog saslušanja

predstavnik Ministarstva komunikacija i prometa Bosne i Hercegovine, podnosilac: Komisija za borbu protiv korupcije Predstavničkog doma Parlamentarne skupštine BiH.

Kolegij Predstavničkog doma kao komisija, zbog nedostatka entitetske većine u prvom krugu glasanja, obavit će **naknadno usaglašavanje** o zaključcima iz Izvještaja, koji glase:

1. "Predstavnički dom Parlamentarne skupštine BiH smatra da je neprihvatljivo da Ministarstvo komunikacija i prometa BiH nema funkcionalan upravni nadzor nad administrativnim stručnim organizacijama kao ni tačne i precizne podatke o prihodima stručnih organizacija za obavljanje administrativnih poslova i tehničkih pregleda koji se naplaćuju u skladu s Cjenovnikom usluga za provođenje homologacije.
2. Predstavnički dom Parlamentarne skupštine BiH traži od Vijeća ministara BiH da u roku od 90 dana uputi u parlamentarnu proceduru izmjene i dopune Zakona o osnovama sigurnosti saobraćaja na putevima u Bosni i Hercegovini, u smislu da se u članu 205. Zakona bolje razrade uslovi i kriteriji koje bi trebalo da ispunjavaju stručne organizacije za obavljanje povjerenih javnih poslova u oblasti homologacije.
3. U vezi sa zaključcima Predstavničkog doma Parlamentarne skupštine BiH sa 16. sjednice, održane 28. 2. 2024, usvojenim povodom rasprave o Izvještaju Ureda za reviziju institucija BiH o provedenoj reviziji učinka o temi: 'Povjereni javni poslovi iz nadležnosti institucija BiH - studija slučaja: Ministarstvo komunikacija i prometa BiH', Predstavnički dom Parlamentarne skupštine BiH dostavlja Tužilaštvu BiH Izvještaj Komisije za borbu protiv korupcije Predstavničkog doma Parlamentarne skupštine BiH o provođenju javnog saslušanja predstavnika Ministarstva komunikacija i prometa Bosne i Hercegovine, a u vezi s procesom homologacije vozila sa svim relevantnim finansijskim pokazateljima, kao i neautorizirani transkript s javnog saslušanja."

Ad. 20.

Kolegij Predstavničkog doma kao komisija, zbog nedostatka entitetske većine u prvom krugu glasanja, obavit će **naknadno usaglašavanje** o Izvještaju o provođenju javnog saslušanja predstavnika Instituta za mjeriteljstvo Bosne i Hercegovine i Vijeća za mjeriteljstvo Bosne i Hercegovine, a u vezi s donošenjem novih podzakonskih akata, podnosilac: Komisija za borbu protiv korupcije Predstavničkog doma Parlamentarne skupštine BiH.

Kolegij Predstavničkog doma kao komisija, zbog nedostatka entitetske većine u prvom krugu glasanja, obavit će **naknadno usaglašavanje** o zaključcima iz Izvještaja, koji glase:

1. "Predstavnički dom Parlamentarne skupštine BiH smatra da je mjeriteljstvo ozbiljna oblast u kojoj postoji prevelika samostalnost u odlučivanju rukovodioca Instituta za mjeriteljstvo BiH te da nisu dovoljno uključene zakonom definirane institucije, posebno Vijeće za mjeriteljstvo BiH, i da je potrebna veća institucionalna kontrola, transparentnost, kao i učešće stručne javnosti.

2. Predstavnički dom Parlamentarne skupštine BiH traži od Vijeća ministara BiH da u roku od 90 dana uputi u parlamentarnu proceduru izmjene i dopune Zakona o mjeriteljstvu Bosne i Hercegovine u smislu da se preciznije definiira uloga Vijeća za mjeriteljstvo BiH, razmotri zakonska mogućnost usklađivanja s najboljim praksama u okruženju i standardima EU kada je u pitanju mjerenje gledanosti i da veći značaj parlamentarnom nadzoru.
3. Predstavnički dom Parlamentarne skupštine BiH prosljeđuje relevantnim pravosudnim institucijama Izvještaj o provođenju javnog saslušanja predstavnika Instituta za mjeriteljstvo Bosne i Hercegovine i Vijeća za mjeriteljstvo Bosne i Hercegovine, a u vezi s donošenjem novih podzakonskih akata, kao i neautorizirani transkript.“

Ad. 21.

Predstavnički dom **usvojio je** Izvještaj o svim arbitražnim postupcima i drugim postupcima s elementom inostranosti koji mogu imati finansijske posljedice po BiH, podnosilac: Pravobranilaštvo BiH (realizacija zaključka sa 18. sjednice Predstavničkog doma).

Ad. 22.

Kolegij Predstavničkog doma kao komisija, zbog nedostatka entitetske većine u prvom krugu glasanja, obavit će **naknadno usaglašavanje** o poslaničkoj inicijativi Sabine Ćudić kojom se zadužuje Ministarstvo odbrane BiH da, u roku od 30 dana od usvajanja ove inicijative, donese izmjene ili dopune člana 5. Pravilnika o uniformama Oružanih snaga Bosne i Hercegovine („Službeni glasnik BiH“, broj 44/17) i tako omogućiti nošenje hidžaba, kao vjerskog obilježja, pripadnicama Oružanih snaga Bosne i Hercegovine.

Ad. 23.

Kolegij Predstavničkog doma kao komisija, zbog nedostatka entitetske većine u prvom krugu glasanja, obavit će **naknadno usaglašavanje** o poslaničkoj inicijativi Denisa Zvizdića kojom Predstavnički dom Parlamentarne skupštine BiH inicira da Ministarstvo civilnih poslova BiH pokrene proceduru zaključivanja Sporazuma o dvojnomo državljanstvu između Bosne i Hercegovine i Savezne Republike Njemačke.

Ad. 24.

Predstavnički dom **usvojio je** Odluku o imenovanju sekretara Predstavničkog doma Parlamentarne skupštine BiH. Za sekretara Predstavničkog doma imenovan je Dražen Mustapić.

Ad. 25.

Predstavnički dom **usvojio je** Odluku o imenovanju sekretara Zajedničke službe Parlamentarne skupštine BiH. Za sekretara Zajedničke službe imenovan je Mirza Imamović.

Ad. 26 – 30.

Predstavnički dom **dao je saglasnost za ratifikaciju:**

- Sporazuma između Republike Hrvatske, Bosne i Hercegovine i Crne Gore o provođenju Programa Interreg VI-A IPA Hrvatska - Bosna i Hercegovina - Crna Gora za period 2021 – 2027,
- Sporazuma o finansiranju za Interreg VI-A IPA Program prekogranične saradnje Hrvatska - Bosna i Hercegovina - Crna Gora,
- Sporazuma između Vijeća ministara Bosne i Hercegovine i Vlade Republike Italije o uzajamnom priznavanju u oblasti zamjene vozačkih dozvola,
- Sporazuma o grantu – Grant Investicionog okvira za Zapadni Balkan (WBIF) (Kofinansiranje programa integriranog razvoja koridora Save i Drine primjenom višefaznog programskog pristupa) između Bosne i Hercegovine i Međunarodne banke za obnovu i razvoj i Međunarodne asocijacije za razvoj u funkciji vodeće finansijske institucije za Investicioni okvir za Zapadni Balkan i
- Sporazuma o priznavanju stručnih kvalifikacija medicinskih sestara, veterinara, farmaceuta i babica u kontekstu Centralnoevropskog sporazuma o slobodnoj trgovini.

S poštovanjem,

